

SULIT

1103/1_MPSMPahang

SIJIL PELAJARAN MALAYSIA 2022

PEPERIKSAAN PERCUBAAN

BAHASA MELAYU

1103/1

KERTAS 1

NOV

2 jam

Dua jam

JANGAN BUKA KERTAS PEPERIKSAAN INI SEHINGGA DIBERITAHU

1. Kertas peperiksaan ini mengandungi **dua** bahagian : **Bahagian A** dan **Bahagian B**.
2. Jawab soalan **Bahagian A** dan **satu** soalan daripada **Bahagian B**.
3. Jawapan boleh ditulis dalam tulisan rumi dan jawi.

Kertas peperiksaan ini mengandungi 3 halaman bercetak dan 1 halaman tidak bercetak.

[*Lihat halaman sebelah*]

SULIT

BAHAGIAN A

[30 Markah]

Soalan ini **mesti** dijawab.

Grafik di bawah menunjukkan sebahagian daripada maklumat berkaitan dengan **Karnival Kokurikulum** yang dianjurkan pihak sekolah. Sebagai setiausaha sidang redaksi majalah sekolah, anda ditugaskan ,menyediakan satu **laporan** tentang Karnival Kokurikulum yang diadakan di sekolah anda. Sediakan laporan itu selengkapnya.

Panjang huraian anda hendaklah antara 150 hingga 200 patah perkataan.



HARI TERBUKA & KARNIVAL KOKURIKULUM SMK SIMPANGAN 2018

TARIKH : 26 JULAI 2018
HARI : KHAMIS
MASA : 8:00 PAGI

SEWA TAPAK
JUALAN GERAI RM10/TAPAK
TERHAD 10 TAPAK

NO PERHUBUNGAN
- Fazrul : 01116650240
- Fazley : 01119064445

Semua dijemput datang jom datang beramai-ramai
"MEMARTABATKAN SUKAN RAKYAT"

AKTIVITI

- Aktiviti Sukaneka (Permainan Tradisional)
- Pertandingan Kawad kaki
- Pameran Kelab dan Persatuan
- Jualan Makanan dan Minuman
- Penyampaian Hadiah



[Lihat halaman sebelah]

**BAHAGIAN B
(70 MARKAH)**

Bahagian ini mengandungi empat soalan. Jawab satu soalan

Tulis sebuah karangan yang panjangnya antara 350 hingga 500 patah perkataan

1.

KUALA LUMPUR: Krisis global akibat penularan wabak COVID-19 bukan sahaja menyebabkan pembelajaran dan pengajaran secara konvensional tertangguh, bahkan menjadikan kehidupan guru dan murid semakin mencabar apabila mereka perlu menyesuaikan diri dengan norma kehidupan dan kebiasaan baharu yang memerlukan proses Pengajaran dan Pembelajaran (PnP) dilaksanakan secara dalam talian. Dalam alaf baharu yang mengutamakan kemahiran pembelajaran sepanjang hayat, guru dan murid tiada pilihan selain memanfaatkan teknologi dan aplikasi pendidikan dalam talian.

Dipetik dan diubah suai daripada :
<https://www.bharian.com.my/berita/nasional/2020>

Petikan di atas jelas menunjukkan kepentingan penggunaan teknologi dan aplikasi pendidikan khusus untuk pembelajaran dalam talian.

Huraikan manfaat-manfaat pendidikan maya dan pembelajaran dalam talian.

2.

Global Wellness Institute mendefinisikan pelancongan kesejahteraan sebagai perjalanan yang berkaitan dengan usaha untuk mensejahterakan diri. Sambil kita menikmati keindahan tempat orang, kita dapat melakukan aktiviti yang berkaitan dengan kesihatan fizikal seperti melakukan sukan untuk kecergasan tubuh badan. Terdapat juga pelancong yang melancong untuk mencari perkhidmatan bagi mengurangkan tekanan yang dihadapi seperti yoga, meditasi, dan urutan. Kadangkala, ada juga pelancong yang suka akan persekitaran semula jadi dikelilingi kehidupan flora dan fauna seperti Taman Negara Kinabalu, Sabah. Selain itu, pelancongan arkeologi di Lenggong, Perak turut menjadi antara destinasi pilihan pelancong.

Sumber: Dipetik dan diubahsuai daripada:
Buku Teks KSSM Tingkatan 5

Petikan di atas menyatakan beberapa faktor pelancong memilih sesuatu destinasi sebagai destinasi pelancongan.

Bincangkan.

SULIT

3.

Terdapat rungutan bahawa segelintir generasi muda kurang memiliki perwatakan nasional yang dapat mempamerkan keperibadian mereka sebagai warganegara Malaysia, ketika berada di dalam mahupun di luar negara. Perkara ini jelas menunjukkan remaja hari ini kurang menghayati prinsip Rukun Negara yang mula diperkenalkan pada 31 Ogos 1970 oleh Majlis Gerakan Negara (MAGERAN) sebagai garis panduan ke arah kerharmonian dan perpaduan kaum demi kesejahteraan dan kestabilan negara Malaysia.

*Dipetik dan diubah suai daripada,
<https://www.bharian.com.my/kolumnis/2016/02/123202>*

Sebagai respons terhadap petikan berita di atas, jelaskan ciri-ciri warganegara yang baik demi kesejahteraan dan keharmonian negara.

4.

Amalan menabung merupakan amalan yang mulia dan perlu diterapkan kepada anak-anak sejak dari kecil lagi. Hasil tabungan sedikit sebanyak dapat membantu meringankan bebanan ibu bapa kerana wang tersebut akan digunakan bagi keperluan pendidikan seperti membayar yuran sekolah, membeli buku teks, dan membeli peralatan sukan. Menabung kini boleh dilakukan secara fizikal atau melalui perbankan Internet bergantung kepada kemudahan dan kesesuaian individu.

Sumber: <https://www.mywilayah.com/2020/11>

Petikan di atas menyatakan bahawa amalan menabung merupakan amalan yang mulia dan perlu diterapkan kepada anak-anak sejak dari kecil lagi.

Huraikan langkah-langkah yang perlu dilakukan oleh semua pihak untuk memupuk amalan menabung dalam kalangan anak-anak.